

ZIYO CHASHMASI



ABDULLA QODIRIY NOMIDAGI IZZAX DAVLAT PEDAGOGIKA INSTITUTI GAZETASI

№ 4 (200) 2012 YIL, APREL ISSN-2010-9393 1993 YIL, 21 MARTDAN CHIQA BOSHLAGAN

Амир Темур таваллудининг 676 йиллигига

БУЮК ДАВЛАТ АСОСЧИСИ, ИСТЕЪДОДЛИ САРКАРДА

*Амир Темур шахсини идрок этиши, тарихни идрок этиши демакдир.
Амир Темурни англаш, ўзлигимизни англаш демакдир.
Амир Темурни улуғлаш, тарих қаърига чуқур илдиз отган томирларимизга,
маданиятимизга, қудратимизга асосланиб буюк келажакимизни мустаҳкамлаш
демакдир.*

Ислом КАРИМОВ

Амир Темур давлат асосчиси, истеъдодли саркарда, қолаверса, юксак маънавият соҳиби бўлганлиги билан ҳам ажралиб турадиган соҳибқирон эди. Темур бобомизнинг овозини жам эттирган «Темур тузуклари»ни варақлар эканми, у қайд этган ўғитлар ва ҳикматли сўзлар ҳамда нақлларнинг зийраклик ва теранликнинг нақадар юксак чўққиларига етганлигини том маънода ҳис этиш мумкин. Шу боисдан ҳам мухтарам юртбошимиз И.Каримов «Амир Темур тузукларини ўқисам, худди бугунги замоннинг катта-катта муаммоларига жавоб топгандек бўламан» деб бежизга таъкидламаганликларини тушуниш мумкин.

Дарҳақиқат, Амир Темур ёшлигиданоқ ҳарбий санъатга меҳр қўйганлиги ҳамда уни эгаллашдаги мардлиги, жасорати билан ўз тенгдошларини лол қолдириб келган бўлса, исломий ва дунёвий таълим ва билимни ўрганишда зехнининг ўткирлиги, иймон-этиқоднинг поклиги билан замондошлари орасида ажралиб турганлиги гувоҳи бўламиз. Унинг замондоши, машҳур тарихчи Ибн Арабшоҳ Амир Темур фаолиятини қанчалик танқидий ўрганмасин «У ёшлигиданоқ ақлли, очик кўнгул, журъатли, қатъий кучли ва қобилиятли бўлиб ўсди» деб тан олиб ёзган эди.

Амир Темур маънавиятига хос теранлик, ахлоқий нафосат, камтарлик, дўстлик, меҳр-муруватлилик, жасорат ва мардлик, ишбилармонлик ва тадбиркорлик каби кўплаб фазилатлар инсоний ақлнинг устувор машъали бўлиб келди. Шунинг учун ҳам бутун жаҳонга машҳур буюк давлатни барпо этиш йўлида, у «куч адолатдадир» деган шиорни ўзининг бош мақсади деб билди.

Амир Темур маънавиятига хос



ижобий фазилатлар ҳақида гап кетганда, унинг юксак ахлоқий фазилат соҳиби эканлигини Ибн Арабшоҳ «Унинг мажлисларида уятсиз сўзлар, қон тўкиш, асир олиш, наҳбу ғорат қилиш ва аёллар шаънига ҳақорат гап бўлмасди» деб ёдга олади. Дарҳақиқат, Амир Темур ўз мақсади йўлида қатъийлик, жасурлик ва бетакрор покликни улуғлаб ўз салтанатини бошқариб келган эди. «Шижоатли

кишиларни дўст тутардим, чунки тангри таоло жасур кишиларни ардоқлайдилар. Уламо билан суҳбатда бўлдим ва пок ниятли тоза қалбли кишиларга талпиндим... Бузуқи ва оғзи шалоқ гийбатчи одамларни мажлисимга йўлатмадим» деб ўз тузукларида такрор-такрор қайд этиши ҳам фикримизнинг яққол далилидир.

(Давоми 2-саҳифада)

АМИР ТЕМУР — ФАХРИМИЗ, ФУРУРИМИЗ

Институтимиз маданият саройида буюк соҳибқирон бобомиз Амир Темур таваллудининг 676 йиллигига бағишлаб тантанали йиғилиш бўлиб ўтди. Вилоят маънавият-тарғибот маркази директори, профессор У. Носиров «Амир Темур марказлашган давлат асосчиси» мавзусида, тарих факультетининг декани, доцент С. Ҳозиев «Амир Темур — фахримиз, фуруримиз» мавзусида маъруза қилдилар.

Талабаларнинг Амир Темур ҳаёти ва фаолиятига бағишланган кичик сахна кўринишларида соҳибқироннинг инсонпарварлик, ватанпарварлик, давлатни бошқариш маҳорати ва бошқа ажойиб хислатлари акс эттирилди.

Урнат кўрсатган талабаларга институтнинг Фахрий ёрлиқлари, «Камолот» Ёшлар ижтимоий ҳаракатининг совғалари топширилди.

Б. ҚУДРАТОВ.



«БИЗ БИР ЖАМОАМИЗ!»

«Ўзбекистон маданияти ва санъати форуми» жамғармаси ва «Келажак овози» ёшлар ташаббуслари маркази томонидан уюштирилган «Биз — бир жамоамиз!» акцияси иштирокчилари билан вилоят маънавият-тарғибот марказида тақдирот маросими ўтказилди ва институтимизда «Келажак овози» кўрик-танловининг вилоят ҳамда республика босқичи ғолиблари билан учрашув бўлди.

Ғолиблар ўз тенгдошларига юртимизда ёшларнинг билим олиши, истеъдодларини намойиш этишлари учун яратиб берилган имкониятлар, ўзлари амалга ошираётган режалари ҳақида сўзлаб бердилар. Акция иштирокчилари шунингдек, «Мустаҳкам оила йили» Давлат Дастури ижроси юзасидан вилоятимиз ёшларига маданий-маърифий, спорт, илмий-техник, ижтимоий ва хизмат кўрсатиш соҳаларида яратиб берилган имкониятлар ва шароитлар билан танишдилар. Шу куни шаҳримизда «Бўш иш ўринлари ярмаркаси» ҳам ташкил этилди ва шаҳримиздаги коллежлар битирувчилари катта гуруҳи корхоналар билан шартнома туздилар.

Маълумки, бу йил ҳам «Келажак овози — 2012» Респуб-

лика иқтидорли ёшлар танлови ўтказилиши режалаштирилган. «Архитектура ва дизайн», «Ахборот технологиялари, рационализаторлик таклифлар ва техник ишланмалар», «Анъанавий ва амалий санъат», «Бадий ижод ва публицистика» номинациялари ва йўналишлари бўйича вилоятимиз, шу жумладан институтимиз талаба ёшлари ҳам иштирок этадилар.

«Келажак овози — 2012» республика иқтидорли ёшлар танловининг туман-шаҳар босқичлари 1-30 апрелда, Қорақалпоғистон Республикаси, вилоятлар ва Тошкент шаҳар босқичлари 1-20 майда, Республика босқичи декабрь ойида Тошкент шаҳрида бўлиб ўтади. Ғолиблар «Келажак овози» стипендияси ва грантларини қўлга киритадилар.

УШБУ СОНДА:

2012 йил — Мустаҳкам оила йили
2. **ОНАЛАР КҮЙЛАГАНДА**



ПАЛАҒИ
ЎСКИМЛИГИ
ҲАҚИДА



3. **СЎЗ — ИҚТИДОРЛИ ТАЛАБАЛАРГА ТАЛАБАЛИК ДАВРИДАГИ «АМАЛДОРЛАР»**

Гиёҳвандлик — иллат

«Оқ ажал» ҳужумидан сақланинг, тенгдошлар!



ТАЛАБАЛАР ИЖОДАДА

4. **БЕШ**

ОНАВОЗ КҮЗ ЕШИ ВА ИЛТИЖОСИ

